



# Adolygu Datganiadau Polisi yn Gyson

Gorffennaf 2021



## Rheoli ac Adolygu Fersiynau

Cymeradwywyd y fersiwn gyntaf hon o'r ddogfen **Adolygu Datganiadau Polisi yn Gyson** ar 1 Gorffennaf 2021 a'i chyhoeddi wedyn ar 14 Gorffennaf 2021.

Rydym yn adolygu ein polisiau yn gyson a chroesewir unrhyw adborth ar y datganiad polisi hwn ar unrhyw adeg. Anfonwch unrhyw sylwadau at [polisi@cymwysteraucymru.org](mailto:polisi@cymwysteraucymru.org)

Mae'r datganiad polisi hwn hefyd ar gael yn [Saesneg](#).

## Cyflwyniad

1. Byddwn yn adolygu ein datganiadau polisi rheoleiddiol sy'n ofynnol gan Ddeddf Cymwysterau Cymru 2015 ("y Ddeddf) yn gyson. **Mae Adran 47 (4) a (5)** y Ddeddf yn datgan bod yn rhaid i Cymwysterau Cymru:
  - (4) adolygu'r datganiadau a lunnir o dan yr adran hon yn gyson, ac os yw'n ystyried ei bod yn briodol o ganlyniad i adolygiad, lunio datganiadau diwygiedig; a
  - (5) chyhoeddi unrhyw ddatganiad neu ddatganiad diwygiedig a lunnir o dan yr adran hon (47).

## Cwmpas y polisi

2. Mae'r Ddeddf yn ei gwneud yn ofynnol i ni baratoi datganiadau o'n polisi ar bynciau penodol ac adolygu'r datganiadau hyn yn gyson. Mae'r ddogfen hon yn ymwneud â sut rydym yn adolygu'r datganiadau polisi canlynol yn gyson:
  - Polisi Cydnabod
  - Polisi Ymgynghori
  - Polisi Rhestr Cymwysterau Blaenoriaethol a Chymwysterau Blaenoriaethol Cyfyngedig
  - Polisi Dynodi
  - Polisi Cymryd Camau Pan Aiff Pethau o Chwith
  - Polisi Darparu Gwasanaethau
  - Cynnal adolygiadau o gymwysterau a'r system gymwysterau
  - Polisi Cosbau Ariannol
  - Polisi Capio Ffioedd
  - Polisi Amodau Trosglwyddo
3. Yn ogystal â'n cylch gwaith i adolygu datganiadau polisi fel y'u cwmpesir gan y Ddeddf, byddwn hefyd yn gweithio gyda ffrydiau gwaith perthnasol i adolygu datganiadau polisi eraill yn gyson, gan gynnwys y rhai sydd wedi'u cynnwys yn ein Rhestr o Ddogfennau Rheoleiddio.

## Pwrpas adolygiada polisi

3. Trwy adolygu **polisiau** rheoleiddiol<sup>1</sup> ein nod yw sicrhau eu bod yn parhau i fod yn gyfoes, yn berthnasol, yn ddefnyddiol ac yn addas i'r diben.

## Egwyddorion cynnal adolygiadau

4. Wrth gynnal adolygiadau o bolisiau rheoleiddiol, byddwn yn gwneud hynny yn unol â'r prif nodau a nodir yn Neddf Cymwysterau Cymru 2015, sef:
  - (a) sicrhau bod cymwysterau, a system gymwysterau Cymru, yn effeithiol i ddiwallu anghenion rhesymol dysgwyr yng Nghymru; a
  - (b) hybu hyder y cyhoedd mewn cymwysterau ac yn system gymwysterau Cymru.
5. Byddwn hefyd yn rhoi sylw dyledus i'r wyth mater yn y Ddeddf.
6. Wrth adolygu polisiau rheoleiddiol, byddwn hefyd yn ystyried y cyd-destun polisi cenedlaethol yr ydym yn gweithredu ynddo a deddfwriaeth berthnasol fel Mesur y Gymraeg (Cymru) 2011, Cyfraith Cydraddoldeb, cyfreithiau Diogelu Data a Deddf Llesiant Cenedlaethau'r Dyfodol (Cymru) 2015.
7. Wrth adolygu polisi, byddwn fel arfer yn ystyried y canlynol:
  - (a) newidiadau neu ddatblygiadau diweddar gan gynnwys strategaethau, dulliau gweithredu a diweddariadau deddfwriaethol perthnasol;
  - (b) cydraddoldeb y polisi ac i ba raddau y mae'n parhau'n berthnasol ac yn gyfoes;
  - (c) sut mae'r polisi wedi'i weithredu ers ei gyhoeddi ddiwethaf ac unrhyw wersi a ddysgwyd;
  - (d) effeithiolrwydd y polisi o ran cyflawni ei nodau arfaethedig;
  - (e) sicrhau bod y polisi'n parhau i gyflawni ein prif nodau, canlyniadau rheoleiddiol ac egwyddorion rheoleiddio da e.e. ei fod yn dryloyw, yn

---

<sup>1</sup> Pan fyddwn ni'n defnyddio'r term 'polisiau', rydym yn golygu hyn i gynnwys adolygiadau o'r holl ddogfennau rheoleiddiol – polisiau, gweithdrefnau, amodau a meini prawf sydd wedi'u cynnwys yn y Rhestr o Ddogfennau Rheoleiddio yn ogystal â dogfennau rheoleiddiol eraill.

atebol, yn gymesur, yn gyson ac wedi'i dargedu; ac

- (f) effaith polisiâu rheoleiddiol ar gyrrff dyfarnu, dysgwyr a rhanddeiliaid eraill.
9. Fel arfer, bydd ystyriaethau sy'n benodol i bolisi i'w hadolygu a fydd yn dibynnu ar natur a chyd-destun y ddogfen sy'n cael ei hadolygu.
10. Wrth adolygu polisi, efallai y byddwn yn ceisio adborth gan ddefnyddwyr y polisi. Gallai'r rhain fod yn fewnol neu'n allanol. Mae enghreifftiau'n cynnwys y canlynol, ond ni fwriedir iddynt fod yn gynhwysfawr:
- (a) eglurder, cywirdeb a chyflawnrwydd y polisi;
  - (b) ymwybyddiaeth a dealltwriaeth rhanddeiliaid o'r polisi; ac
  - (c) unrhyw newidiadau y mae defnyddwyr y polisi yn credu y byddent yn ychwanegu gwerth at y polisi.

## Mathau o ddiwygiadau

11. Mae llawer o wahanol resymau pam y gallai fod angen diwygio polisi. Dyma enghreifftiau:
- (a) **Wedi eu trefnu** - gall diwygiadau ddeillio o adolygiad wedi'i drefnu a'i gynllunio o bolisi a gall hyn gynnwys diweddariadau a newidiadau cymharol syml gan gynnwys newidiadau cyflwyniadol sydd eu hangen i gynnal cyfredoldeb ac effeithiolrwydd y polisi. Mewn rhai achosion, gall adolygiad ddod i'r casgliad na wneir unrhyw newidiadau arwyddocaol nac unrhyw newidiadau.
  - (b) **Heb eu trefnu** – efallai y bydd achosion sy'n sbarduno'r angen i adolygu polisi nad oedd wedi'i drefnu na'i ragweld. O ganlyniad, bydd natur a graddfa'r diwygiadau sydd eu hangen yn dibynnu ar yr amgylchiadau penodol.
  - (c) **Canlyniadol** – Gall gwneud diwygiadau i un ddogfen reoleiddiol fod â goblygiadau i ddogfennau cysylltiedig eraill ac felly o ganlyniad i gynnal adolygiad o un polisi, gallwn wneud diwygiadau canlyniadol i ddogfennau polisi rheoleiddiol eraill.
  - (d) **Seiliedig ar brosiect** – Yn seiliedig ar newidiadau i gymwysterau neu'r system gymwysterau sy'n codi oherwydd ymgynghoriadau, neu ddiwygiadau i gymwysterau, neu dulliau rheoleiddio sy'n esblygu, mae

angen i ni wneud diwygiadau i bolisiau rheoleiddiol er mwyn sicrhau bod cymwysterau a system gymwysterau Cymru yn parhau i fod yn effeithiol o ran diwallu anghenion rhesymol dysgwyr.

12. Mae amgylchiadau eraill a ragwelwn a allai sbarduno adolygiad polisi yn cynnwys y canlynol ond heb fod yn gyfyngedig iddynt:
- (a) adborth gan ddefnyddwyr y polisi e.e. angen busnes, nodi bylchau;
  - (b) deallusrwydd, ymchwil neu wybodaeth fonitro;
  - (c) canlyniadau ymgynghoriad;
  - (d) newidiadau/diweddariadau i ddeddfwriaeth; a
  - (e) cyflwyno trefniadau rheoleiddiol eithriadol neu dros dro.

## Cylch adolygu polisi

13. Rydym yn adolygu ein polisiau yn gyson ac yn croesawu adborth arnyn nhw ar unrhyw adeg. Rydym yn annog adborth yn y dogfennau eu hunain ac yn cynnwys adran Hanes Fersiwn i ddangos i ddefnyddwyr y polisiau pryd y cawsant eu creu a'u hadolygu.
14. Rydym yn cynnal offeryn gweinyddol i olrhain pryd y cyhoeddwyd polisiau a phryd y disgwylir iddynt gael eu hadolygu nesaf.
15. Rydym yn paratoi cynllun bob blwyddyn i nodi'r polisiau yr ydym am eu hadolygu o fewn y cylch hwnnw. Mae ein gwaith cynllunio yn ystyried natur y ddogfen, y dirwedd yr ydym yn gweithredu ynddi a'r adnoddau sydd ar gael i ni.
16. Bydd sut rydym yn adolygu pob polisi a'r amser y bydd yn ei gymryd yn dibynnu ar natur y ddogfen reoleiddiol benodol honno a'r hyn sy'n ofynnol i gynnal ei heffeithiolrwydd. Mae'r canlynol yn rhoi syniad o'n dull o amserlennu polisiau ar gyfer adolygu:

<b>Math o bolisi</b>	<b>Cyfnod adolygu</b>	<b>Sail resymegol ar gyfer adolygu</b>
<b>Dogfennau polisi newydd</b>	Blwyddyn ar ôl ei ddyddiad dod i rym	Caiff fersiwn 1 o'r polisi ei wirio os yw'n addas at y diben
<b>Polisiâu Rheoleiddiol</b>	Bob 3 – 5 mlynedd	Yn seiliedig ar risg, blaenoriaeth a diwygiadau canlyniadol.
<b>Amodau</b>	Bob 5 mlynedd neu yn ôl yr angen	Mae'r amodau'n nodi'r prif ofynion ar gorff dyfarnu ac felly mae angen eu hadolygu'n gyson yn ogystal â chael amser i'w hymgorffori i hybu hyder yn y system. Fel rhan o'r adolygiad, efallai y byddwn o'r farn nad oes angen unrhyw newidiadau.
<b>Gweithdrefnau</b>	Bob 3 blynedd fel arfer (ond yn amlach lle bo angen e.e. mae gweithdrefnau penodol ar waith yn ystod haf 2021)	Mae tair blynedd yn caniatáu amser i weithdrefnau gael eu gweithredu a'u hymgorffori.

17. Mae hyn yn ddangosol yn unig ac efallai y bydd angen diwygio polisiâu rheoleiddiol wrth i amgylchiadau godi. Bydd newidiadau rhwng cyfnodau adolygu polisi yn dibynnu ar amseriad adolygiadau, yr adnoddau sydd ar gael ac arwyddocâd y newidiadau. Efallai y bydd amgylchiadau hefyd pan fydd polisiâu'n cael eu tynnu'n ôl neu'n dod i ddiwedd eu hoes cyn y cyfnod adolygu a drefnwyd.

## **Dulliau ar gyfer adolygu polisiâu**

18. Rydym yn defnyddio ystod o ddulliau wrth adolygu polisi, a bydd ein dull gweithredu yn dibynnu ar amrywiaeth o ffactorau e.e. yr amgylchiadau ar gyfer cynnal yr adolygiad, y math o bolisi, yr amserlen a'r gyllideb sydd ar gael. Mae'r dulliau posibl ar gyfer adolygu polisiâu yn cynnwys, ond heb fod yn gyfyngedig i'r canlynol:

- (a) adolygiadau llenyddiaeth neu ddadansoddiad dogfennol;
- (b) arolwg neu holiadur;
- (c) cynadleddau, seminarau, gweminarau a gweithdai;
- (d) cyfweiliadau, cyfarfodydd, trafodaethau gydag unigolion neu grŵp neu mewn bwrdd/pwyllgor;
- (e) Grwpiau Gorchwyl a Gorffen neu weithgoriau;

- (f) comisiynu arbenigwyr pwnc neu ymgynghorwyr;
- (g) arferion gorau neu waith cymharu neu feincnodi arall; a/neu
- (h) Ymgynghori.

## **Cymeradwyaeth fewnol**

19. Pan wneir newidiadau digon sylweddol i ddogfennau polisi rheoleiddiol yn dilyn adolygiad, cânt eu cyflwyno i Fwrdd / pwyllgor priodol Cymwysterau Cymru (os oes angen) i'w cymeradwyo, cyn eu cyhoeddi yn unol â'n Cynllun Dirprwyo.

## **Asesiad Effaith Rheoleiddiol**

20. Pan fyddwn yn cynnig newidiadau sylweddol i'n fframwaith rheoleiddiol neu reolau, neu newidiadau i bolisiau rheoleiddiol sy'n debygol o lywio darpariaeth yn y dyfodol neu sy'n debygol o gael effeithiau ariannol sylweddol ar gyrff dyfarnu, yna byddwn yn cwblhau asesiad effaith rheoleiddiol yn unol â'n canllawiau.